

BULETIN ICAN

UiTM NEGERI SEMBILAN
NOVEMBER 2023

**PROGRAM "UNITE FOR HUMANITY" MENGGALAKKAN
SEMANGAT GENERASI MUDA MENJADI AHLI
SUKARELAWAN**

*Siti Aishah Mohd Shafie, Noorezatty Mohd Yusop, Nuralina Azlan,
Nor Akmal Md Noh.*

**KESINAMBUNGAN KERJASAMA ERAT ANTARA UiTM
CAWANGAN NEGERI SEMBILAN DAN HOSPITAL PAKAR
CMH SEREMBAN BAGI PENGANJURAN PROGRAM
BERASASKAN KESIHATAN**

Siti Syaida Sirat, Ahmad Husaini Mohamed & Jamil Mohamed Sapari

**PROGRAM UiTM ALUMNI FUN RUN 2023 CAWANGAN
NEGERI SEMBILAN**

*Asmahanim Binti Haji Mohamad Yusuf, Nur Hafizah Abdul Khalid, Nur Amirah Nabihah
Zainal Abidin, Fatin Aliyah Binti Hasan, Mohd Nur Fitri Bin Mohd Salim*

eISSN 2811-3802



9 7 7 2 8 1 1 3 8 0 0 0 8

Program UiTM Alumni Fun Run 2023 Cawangan Negeri Sembilan

ASMAHANIM HAJI MOHAMAD YUSUF, NUR HAFIZAH ABD KHALID, NUR AMIRAH NABIHAH ZAINAL ABIDIN, FATIN ALIYAH BINTI HASAN & MOHD NUR FITRI BIN MOHD SALIM

UiTM Cawangan Negeri Sembilan telah menganjurkan UiTM Alumni Fun Run 2023 buat julung kalinya pada 28 Oktober yang lalu dan dilaksanakan secara serentak di 13 cawangan UiTM seluruh Malaysia bersempena Hari Alumni 2023. UiTM Alumni Fun Run 2023 merupakan inisiatif 'Alumni Network Center (ANC)' dari Unit Jaringan Industri, Masyarakat dan Alumni (ICAN) yang bertujuan untuk mengumpulkan alumni UiTM dalam satu aktiviti yang menyihatkan dan menyeronokkan di kampus cawangan UiTM terpilih di seluruh Malaysia.

Pelancaran program larian dirasmikan di atas talian secara langsung dari UiTM Shah Alam yang disiarkan melalui kaca televisyen. UiTM Alumni Fun Run 2023 Cawangan Negeri Sembilan telah diadakan di Taman Tasik Seremban dengan kerjasama bersama Majlis Bandaraya Seremban. Aktiviti ini bermula dari pukul 6.00 pagi sehingga 11.00 pagi. Seramai 204 peserta terdiri daripada alumni, staf, pelajar dan komuniti telah menyertai larian sejauh 3km diiringi oleh Menteri Besar Negeri Sembilan Yang Amat Berhormat Dato Seri Haji Aminuddin Harun yang turut serta dalam acara larian itu diiringi oleh Datuk Bandar Majlis Bandaraya Seremban, Yang Berbahagia Dato' Masri Bin Haji Razali dan Rektor UiTM Cawangan Negeri Sembilan, Yang Berbahagia Profesor Dr. Yamin Yasin.



Pemilihan lokasi di Taman Tasik Seremban adalah bertujuan untuk mempromosikan Bandaraya Seremban bagi memperhebatkan tarikan pelancongan dan seterusnya menjalinkan hubungan baik bersama komuniti setempat. Objektif utama bagi program ini adalah:

1. Mengeratkan silaturrahim antara staf, pelajar, alumni dan komuniti.
2. Membina, memupuk, dan melahirkan masyarakat yang kuat fizikal dan jati diri serta dapat mewujudkan sikap daya saing.
3. Membina kesedaran tentang kepentingan aktiviti fizikal terhadap tubuh badan serta kesihatan diri.



Menteri Besar Negeri Sembilan, Datuk Bandar Majlis Bandaraya Seremban, Rektor UiTM Cawangan Negeri Sembilan dan para peserta sebelum memulakan larian.

Majlis Penutup diakhiri dengan pengumuman pemenang hadiah cabutan bertuah yang turut disampaikan oleh Menteri Besar Negeri Sembilan Yang Amat Berhormat Dato Seri Haji Aminuddin Harun, Datuk Bandar Majlis Bandaraya Seremban, Yang Berbahagia Dato' Masri Bin Haji Razali, Rektor UiTM Cawangan Negeri Sembilan, Yang Berbahagia Profesor Dr. Yamin Yasin dan penampilan khas ikon bola sepak iaitu Zaquan Adha, pemain bola sepak Negeri Sembilan Football Club (NSFC).



Dari kiri, Profesor Dr. Yamin Yasin, Yang Amat Berhormat Dato' Seri Haji Aminuddin Harun dan Zaquan Adha.



Pelajar UiTM Seremban 3 bersama Menteri Besar Negeri Sembilan



Rata-rata peserta program memberi maklumbalas yang sangat positif terhadap penganjuran program dan berharap program UiTM Alumni Fun Run ini akan dapat diteruskan lagi pada masa hadapan untuk mengukuhkan ikatan yang mampan antara UiTM dan alumni. Memori dan pengalaman yang dikongsi bersama di dalam program ini diharap dapat memberi kenangan yang indah dan tidak mudah dilupakan. Ribuan terima kasih diucapkan kepada para penaja yang budiman di atas kesudian memberi tajaan bagi meringankan kos dan memudahkan program UiTM Alumni Fun Run. Tidak dilupakan ucapan tahniah dan syabas kepada seluruh ahli jawatankuasa yang telah berusaha gigih untuk menjayakan aktiviti ini.